

TEZAU LITURGIC

15 AUGUST

ACATISTUL ADORMIRII MAICII DOMNULUI



MOSCOVA, 2000



Акафист

Успению Пресвятой

Богородицы

Конда́к 1

Избра́нной от все́х родо́в Бо́жией Ма́тери и Цари́це, восходя́щей от земли́ к Небеси́, благогове́йная пе́ния о пречестне́м Твоём Успе́нии прино́сим раби́ Твои́, Богоро́дице. Ты́ же, я́ко иму́щая побéду над сме́ртию, от вся́ких на́с смертоно́сных бе́д свободи́, да зове́м Ти́: Ра́дуйся, Обра́дованная, во Успе́нии Твоём на́с не оставля́ющая.

И́кос 1

А́нгел предста́тель по́слан бы́сть ре́щи Бого́родице ко премирным Ея́ возше́ствие и прии́ти предьявле́ние к Не́й Сы́ну Ея́ и Бо́гу, све́тло о Не́й блиста́ясь и стоя́, зовы́й такова́я:

Ра́дуйся, прера́дованная Ма́ти Царе́ва;

Ра́дуйся, Небе́сная Цари́це, Ма́ти Бо́га и Го́спода Небесе́ и земли́.

Ра́дуйся, предпочте́нная превели́чеством прише́ствия к Тебе́ Сы́на Твоего́ и Бо́га;

Ра́дуйся, возвели́ченная извеще́нием Твоего́ к Сы́ну отше́ствия.

Ра́дуйся, от все́х родо́в Бо́гом избра́нная;

Ра́дуйся, свято́е вмести́лище Сло́ва Бо́жия.

Ра́дуйся, проро́ческаго прорече́ния исполне́ние;

Ра́дуйся, Апóстолом пречестный вѣнче.

Ра́дуйся, святите́лем украше́ние и священни́ком добро́то;

Ра́дуйся, правите́лем удобре́ние и держа́во.

Ра́дуйся, Богому́дых ино́ков возведе́ние к Го́рнему Ца́рствию;

Ра́дуйся, отверза́ющая райския двѣри христи́анскому роду, при́сно Тя́ блажа́щему.

Ра́дуйся, Обра́дованная, во Успе́нии Твое́м нас не оста́вляющая.

Конда́к 2

Ви́дяще Апóстолов ли́к, всеси́льным манове́нием от коне́ц земли́ на о́блацех предста́вших ко Пречестно́му Твоему́, Пренепоро́чная. Успе́нию, священнонача́льницы: Диони́сий —

небѣсный тайнникъ, Иерофѣй дѣвный и Тимофѣй
с Боголѣпною чѣстію священства пояху Богу:
Аллилуѣа.

И́кос 2

Разу́мная вся тва́рь, старѣйшая чинонача́лія
а́нгельская приидо́ша со своимъ Царе́м, И́же во
Своѣ живонача́льнейшия ру́це ду́шу Ма́тере Сво-
еѣ приѣтъ; те́плый же ве́рою Пе́тр со слеза́ми
мно́гая к Не́й изрече́, зовы́й:

Ра́дуйся, ко премирнымъ, Ма́ти Творца́ ми́ру,
восходя́щая;

Ра́дуйся, к пренебѣснымъ, пространнейшая не-
бѣс, взѣмлю́щаяся.

Ра́дуйся, четвероча́стное стихій освяти́вшая
Твои́м восхожде́нием;

Ра́дуйся, Небѣсныхъ возвесели́вшая Твои́м пре-
хожде́нием.

Ра́дуйся, во Иерусали́м Го́рний прекра́сный
прия́тая;

Ра́дуйся, в нерукотворѣ́нныя хра́мы пре-
ра́достно вше́дшая.

Ра́дуйся, Херуві́мов и Серафі́мов Цари́це;

Ра́дуйся, Арха́нгелов Влады́чице.

Ра́дуйся, прибе́жище ве́рных и изба́вление;

Ра́дуйся, досто́янию Твоему́ по́мощь и
защи́щение.

Ра́дуйся, о всём ми́ре христиа́нством к Бо́гу
Хода́таице;

Ра́дуйся, бла́г вся́ческих Всеблага́я Подате́ль-
нице.

Ра́дуйся, Обра́дованная, во Успéнии Твоем
на́с не оставя́ющая.

Конда́к 3

Си́ла Вы́шняго восхити́ от Инди́и Фому́, за
не́кое изво́ление Бо́жие не прилу́чшуся ему́ в
пречестно́е успéние Богома́тере, и предпоста́ви
живоприе́мному Ея́ грóбу, и́же, Преста́вльшуюся
прини́к ви́дети, уразуме́ вознесе́нную на Небеса́
с те́лом и, ве́ровав, о се́м возопи́: Аллилу́иа.

И́кос 3

Име́я в себé помышле́ние учени́к, я́ко Бо́жи-
им смотре́нием бе́ ему́ не обрести́ся ко провож-
де́нию Богома́тере с про́чими вку́пе, обра́дован
бы́в о безсме́ртнем Ея́ Успéнии, сия́ вопия́ше к
Не́й:

Ра́дуйся, восприе́млемая от земли́ длáньма
Сы́на Твоего́;

Ра́дуйся, ко превы́шним возше́дшая насла́-
жда́тися сла́вы Его́.

Ра́дуйся, провожда́емая от все́х чинонача́лий
а́нгельских в Го́рняя;

Ра́дуйся, подьёмлемая Херувимы в Небе́сная
и Наднебе́сная.

Ра́дуйся, в Небе́сных вратѣх от старейших
Си́л велеле́пно пе́сньми возноси́мая;

Ра́дуйся, от все́х Небе́сных гра́ждан окру́-
жа́емая и блажи́мая.

Ра́дуйся, Не́бо земно́е, к Го́рнему селе́нию воз-
вы́шенное;

Ра́дуйся, Престо́ле Госпо́день, от земли́ возне-
се́нный в Ца́рствие Небе́сное.

Ра́дуйся, предста́тельство на́ше и кре́пкое за-
ступле́ние;

Ра́дуйся, грѣшником Споручнице во спа-
се́ние.

Ра́дуйся, Христиа́ном Цари́це и по Бо́же На-
де́ждо Небе́снаго Ца́рствия;

Ра́дуйся, Ма́ти Живота́ и по Го́споде на́м упо-
ва́ние жи́зни ве́чныя.

Ра́дуйся, Обра́дованная, во Успѣ́нии Твоѣ́м
на́с не оста́вляющая.

Конда́к 4

Бу́рю вну́трѣ имѣ́я Аффо́ний помышле́ний не-
ве́рных и зря́ Богоно́сными Апосто́лы Богома́те-
ре Пречестно́е Тѣ́ло всече́стне ко гробу́ несѣ́нное,
ко опроверже́нию устреми́ся; внеза́пу же, егда́
со ослепле́нием о́чию ру́це его́ отъя́те ко одру́
прилепле́не ви́сясте, ве́рою Ма́терь Бо́жию испо-
ве́даше, вопия́ Бо́гу: Аллилу́иа.

И́кос 4

Слы́шавше тайнницы́ и самови́дцы Сло́ва
А́нгелов, пою́щих превы́шними пе́снями при по-
гребѣ́нии Богоприя́тнаго тѣ́ла Бо́жия Ма́тере, и
че́сть пода́ти хотя́ще Богоуго́дную, потща́шася
согла́сно пе́ти, глаго́люще:

Ра́дуйся, благове́стие приѣ́мшая о пре-
ше́ствии Твоѣ́м в Го́рнее Ца́рствие;

Ра́дуйся, от благовести́вшаго Гаврии́ла
приѣ́мшая ра́достнаго ра́я вра́ние.

Ра́дуйся, пречестно́е херувимское мно́жество
просвети́вшая;

Ра́дуйся, пресла́вное серафимское естество́
возра́довавшая.

Ра́дуйся, от патриа́рхов прообра́зованная;

Ра́дуйся, от проро́ков предвозвеще́нная.

Ра́дуйся, злу́ю де́рзость Аффо́ниеву ско́ро отмсти́вшая;

Ра́дуйся, исцеле́ние тому́жде пода́вшая.

Ра́дуйся, обрати́вшая в ве́ру Аффо́ниеву не-
ве́рие;

Ра́дуйся, ве́рное того́ прие́мшая испове́дание.

Ра́дуйся, возводя́щая к Небеси́ любо́вь и ве́ру
к Тебе́ иму́щих;

Ра́дуйся, спаса́ющая ве́рою и́мя Твое́ призы-
ва́ющих.

Ра́дуйся, Обра́дованная, во Успе́нии Твое́м
на́с не оставля́ющая.

Конда́к 5

Боготе́чныя звёзды, Апосто́ли святи́и, в под-
небе́сней рассе́янии ра́ди Ева́нгелия, восхи-
ще́ни бы́ша на о́блацех, по широте́ возду́шной,
ко погребе́нию Ма́тере Госпо́дни, Ю́же пе́ньми и
пе́снями провожда́юще, с Невеще́ственными
взыва́ху: Аллилу́иа.

И́кос 5

Ви́девше Богови́дцы́ свое́го Влади́ку, в ру́це
Ма́тере Своея́ ду́шу прие́мша, и Го́спода Того́ ра-
зумёвше, потща́шася священносло́вия пёсньми
благосло́вне воспёти Ю́:

Ра́дуйся, Цари́це, над все́ми Ца́рствующаго
носи́вшая;

Ра́дуйся, и Сама́ рука́ма Его́ Сыно́внима но-
си́мая.

Ра́дуйся, ски́птре ца́рский в Христо́вой дес-
ни́це;

Ра́дуйся, в ру́це Но́я ве́тьвь голу́бицы.

Ра́дуйся, же́зде Ааро́нов, прозя́бший не-
тле́ние;

Ра́дуйся, крíне неувяда́емый, процвётший
безсме́ртие.

Ра́дуйся, Богоотца́ Дави́да цевни́це Богодох-
нове́нная;

Ра́дуйся, проро́чества его́ возста́вшая сло́во,
псалти́рю и гу́сли прекра́сныя.

Ра́дуйся, одушевле́нный святы́ни Госпо́дни
киво́те;

Ра́дуйся, в по́кой Госпо́день воскресе́ший на́ш
живо́тѣ.

Ра́дуйся, ски́ние, от Херуви́мов осеня́емая;

Ра́дуйся, Свята́я святы́х, от Серафи́мов гла-
го́лемая.

Ра́дуйся, Обра́дованная, во Успѣ́нии Твое́м
на́с не оста́вляющая.

Конда́к 6

Пропове́дницы Богоно́снии Апосто́ли, по от-
ше́ствии ко премі́рным Бо́жия Ма́тере во о́бщем
седѣ́нии обы́чныя трапе́зы бы́вшие и предло-
же́ние ча́сти хлѣ́ба во И́мя Господне вознося́ще,
внеза́пу свѣ́ше Богоро́дицу Цари́цу, прише́дшую
со светоно́сными А́нгелы, зря́ху и, ми́р те́м от
Сы́на и Бо́га пода́вшую слы́шавше, возгласи́ша о
се́м: Аллилу́иа.

И́кос 6

Воссия́ на́м Со́лнце правды, Христос Бо́г от
Твои́х пречи́стых ложесн, во́лею и благо́разуми-
ем пропове́дания чрез Апосто́лы ми́р просвети́ и
Тя́, Богома́терь, от ро́да и в ро́д просла́ви. Те́мже
и мы́ вси́ ублажа́ем Тя́, вопи́юще Ти́:

Ра́дуйся, Присноблаже́нная от все́х родо́в во
ве́ки;

Ра́дуйся, благоутро́бная и Ми́лостивая на че-
лове́ки.

Ра́дуйся, учени́ческому ли́ку обеща́ние ис-
по́лнившая;

Ра́дуйся, присе́щением Твои́м от Сы́на Твоего́
и Бо́га ми́р тому́ пода́вшая.

Ра́дуйся, всежелáтельное святы́х сла́дкое
зрѣ́ние;

Ра́дуйся, преподо́бных ма́терей и дѣв святы́х
всевесе́лящее ра́дование.

Ра́дуйся, прехо́дящая ра́йское селе́ние
пра́ведных;

Ра́дуйся, посеща́ющая все́х во сла́ве небѣ́сней
су́щих.

Ра́дуйся, нача́ло челове́ческаго спасѣ́ния;

Ра́дуйся, исполне́ние все́х благи́х желáния.

Ра́дуйся, по Бо́же, Царе́ ца́рствующих, Бого-
ро́дице Цари́це;

Ра́дуйся, по Го́споде госпо́дствующих, Вла-
ды́це на́шем, Госпоже́ и Влады́чице.

Ра́дуйся, Обра́дованная, во Успѣ́нии Твоём
на́с не оста́вляющая.

Конда́к 7

Хотя́щих все́х с ве́рою входи́ти в хра́м Тво́й
святѣ́й, Богоро́дице, прѣ́сно спаса́еши и сла́вя-
щих Тя́ от вся́ких напа́стей и бе́д свобожда́еши;
те́мже и благове́рным лю́дем, присноблажа́щим
Тя́, победы́ на сопроти́вныя да́руй и вся́ ко спа-
се́нию проше́ния на́м подава́й, о се́м моля́щимся
Тебе́ и пою́щим Бо́гу: Аллилу́иа.

И́кос 7

Но́вую показа́ тва́рь, явля́ся на́м, все́х Творе́ц
Госпо́дь Тобо́ю, Богоро́дице. Ты́ же сро́дное про-
мышле́ние о на́с к Нему́ иму́щи, че́стне почи-
та́ющих пречестно́е Твое́ Успе́ние, приими́ сице-
ва́я Тебе́ вопи́ющих:

Ра́дуйся, Ма́ти Бо́гу, избра́нная от земны́х;

Ра́дуйся, превы́шшая земны́х и Небе́сных.

Ра́дуйся, Херуві́мов и Серафі́мов горе́ пре-
возше́дшая;

Ра́дуйся, лик учени́ческий о́блаком ко погре-
бе́нию Ти́ до́ле совоку́пляшая.

Ра́дуйся, Фому́ по погребе́нии Твоём си́лою
Бо́жиею предпоставившая изряднее;

Ра́дуйся, чрез него́ увѣрившая Твое́ на Не́бо с
плото́ю преселе́ние.

Ра́дуйся, красо́тою всѣхъ добродѣтелей укра-
ше́нная;

Ра́дуйся, красне́йшему па́че сыно́въ челове́чес-
кихъ Сы́нови Своему́ сопричте́нная.

Ра́дуйся, я́ко фѣникс, плóтию воскресе́шею
процвѣ́тшая;

Ра́дуйся, я́ко ке́др в Лива́не небе́сном, ум-
но́жившаяся.

Ра́дуйся, дре́во живота́, насажде́нное посреде́
рая́ превы́шняго;

Ра́дуйся, ковче́же мы́сленный возвы́шенный
в Го́рняя от пото́па сме́ртнаго.

Ра́дуйся, Обра́дованная, во Успѣ́нии Твое́мъ
на́с не оста́вляющая.

Конда́к 8

Стра́нно в превы́шнихъ ве́дуще Тя, Избра́нная,
я́ко со́лнце, Влады́чице, вну́тръ пренебе́сныхъ не-
домы́слимыхъ красóт и неизрече́нныхъ добрóт,
уми́льно к Сы́ну и Бо́гу, длáньма Его́ держи́му,
возше́дшую и прера́достно прекло́ньшуюся жи-
вона́чальней Его́ десни́це, о сѣмъ непреста́нно во-
пи́емъ: Аллилу́иа.

И́кос 8

Вся́ бы́вши горе́, к Небе́сным взя́та и, земны́х не оста́вляю́щи, Богома́ти, рука́ма Сыно́внима носима́, в незаходи́мая вни́де, во о́ный гра́д все-светя́щий и прекра́сный, Иерусали́м вы́шний, Херувимы́ обсто́има со все́ми Небе́сными си́лами, и де́же слы́шит пою́щих сия́:

Ра́дуйся, Ея́же пресвята́я ду́ша в вы́шнем все́свѣтлом Си́оне все́ляется;

Ра́дуйся, Ея́же и нетле́нное те́ло та́можде с душе́ю купно́ просла́вляется.

Ра́дуйся, вше́дшая в престо́льный гра́д Сама́го Вседе́ржителя́;

Ра́дуйся, возне́сшаяся в прекра́сный ра́й Вы́шняго Насади́теля.

Ра́дуйся, прене́сенная во гра́д, основа́нный от ка́меней все́светя́щих;

Ра́дуйся, введе́нная во огра́ду, обсто́имую во́и си́л превы́шних.

Ра́дуйся, превы́шше Небе́с во благоле́пие Бо́жие взя́тая;

Ра́дуйся, па́че все́х не́вещественных умо́в по́чтенная.

Ра́дуйся, принося́щая к Сы́ну Своему́ и Бо́гу моле́ние ве́рных;

Ра́дуйся, и Сама́ непреста́нно у Престо́ла Сы́на Твоего́ и Бо́га моля́щаяся о всѣх.

Ра́дуйся, Предста́льнице к Бо́гу, мир спаса́ющая;

Ра́дуйся, Засту́пнице, ро́ду христиа́нскому от Бо́га дарова́нная.

Ра́дуйся, Обра́дованная, во Успѣ́нии Твоемъ на́с не оста́вляющая.

Конда́к 9

Вся́кое естество́ а́нгельское превозно́сит Тя, Богоро́дице, челове́честии же ро́ди вси Ма́терь Тя Бо́жию сла́вим и почита́ем пречестно́е Твое Успѣ́ние, Цари́це: Тебе́ бо ра́ди земнии Небе́сным совокупа́ются, согла́сно пою́ще Бо́гу: Аллилу́иа.

И́кос 9

Ветийства́ Боговеща́нных проро́ческих рече́ний ны́не зри́м о Тебе́ сбывша́яся, Богоро́дице, я́ко войсти́ну Бо́га плоти́ю родила́ еси́ на́м. Те́мже та́инству словесе́ Бо́жия ве́рующе, вопи́ем:

Ра́дуйся, зако́на и проро́ков главизно́ соверше́нная;

Ра́дуйся, звездо́ Иа́ковля, Валаа́мом пророко-
ва́нная.

Ра́дуйся, одре́ Царя́ Вели́каго, веща́нный Со-
ломо́ном;

Ра́дуйся, руно́, ороше́нное Иису́сом, образо-
ва́нное Гедео́ном.

Ра́дуйся, Неопали́мая Купино́, законопо-
ло́жником предзри́мая;

Ра́дуйся, горо́ святая́, му́жем жела́ния усмот-
ре́нная.

Ра́дуйся, ле́стнице небес́ная, Иа́ковом пре-
двиди́мая;

Ра́дуйся, двере́ непроходи́мая, Иезекии́лем
предзри́мая.

Ра́дуйся, со́лнце селёния Христо́ва, псалмо-
пе́вцем предъявлённое;

Ра́дуйся, та́инство, многообра́зне проро́ки
пронарече́нное.

Ра́дуйся, проро́ческих глаго́л все́х, предре-
че́нных о Тебе́, ко́нec принёсшая;

Ра́дуйся, Вы́шняго смотре́ния вся́ за спасе́ние
ми́ра соверши́вшая.

Ра́дуйся, Обра́дованная, во Успѣ́нии Твоѣ́м
на́с не оста́вляющая.

Конда́к 10

Спасти́ хотя́ ми́ръ, И́же всѣ́х Госпо́дь от зем-
на́го Тя́ ро́да избра́ в Ма́терь Себе́ и, на́с ра́ди
бы́в челове́къ, взы́де, отню́дуже снйде, к Небеси́
от земли́, и Тебе́ с Собо́ю возведе́ ко пребыва́нию
во сла́ве вѣ́чной и соца́рствованию с Собо́ю, кон-
ца́ не иму́щему, Тѣ́мже, я́ко Бо́г, слы́шит от всѣ́х:
Аллилу́иа.

И́кос 10

Стена́ еси́ вѣ́рным, Богоро́дице Де́во, и за-
ступле́ние всѣ́м, к Тебе́ прибега́ющим, и́бо Небе-
се́ и земли́ Творе́ц, от Тебе́ плоти́ю проше́д, Пре-
чи́стая, ду́хом и тѣ́лом в Небе́сная Тя́ пресели́, ко
ближа́йшему предста́тельству о всѣ́х, ихже при-
глаша́ти научи́:

Ра́дуйся, гра́де Царя́ Вели́каго верху́ горы́ Не-
бе́сныя;

Ра́дуйся, стено́ и покрове́, не крýющийся от
на́шего притека́ния.

Ра́дуйся, вѣ́рным на враги́ посóбствующая;

Ра́дуйся, наше́ствия ага́рянская побеж-
да́ющая.

Ра́дуйся, ве́ры благо́честивыя недви́жимое со-
хране́ние;

Ра́дуйся, ере́тичествующих полко́в разоре́ние.

Ра́дуйся, ра́дость и умире́ние ми́ру су́щая;

Ра́дуйся, всегуби́тельнаго а́да попра́вшая.

Ра́дуйся, во́инствующих на пло́ть целому́дри-
ем изря́дное венча́ние;

Ра́дуйся, му́ченических по́двигов всечестно́е
прославлéние.

Ра́дуйся, преподо́бных трудо́м Хода́таице бла-
же́ннаго упоко́ения;

Ра́дуйся, ино́ком благоскорб́ящим Подáтель-
нице ве́чнаго ра́дования.

Ра́дуйся, Обра́дованная, во Успéнии Твоём
на́с не оста́вляющая.

Конда́к 11

Пе́ние вся́кое Богоду́хновенных пе́сней не до-
вле́ет от на́с ко похвалé всечестна́го Успéния
Твоего́, Всехва́льная Влады́чице, Цари́це Бого-
ро́дице, но усéрдно Тебе́ прино́сим, я́ко Ма́тери
Царя́ все́х, смире́нное моле́ние на́ше, с Небе́сны-
ми чи́нми пою́ще Еди́ному досто́йно прослав-
ля́ющему Тя Бо́гу: Аллилу́иа.

И́кос 11

Светопріёмная свещá и́стиннаго Свѣта
сущимъ намъ на землѣ явльшися, ду́ши просве-
ща́еши и чту́щихъ Твое́ всечестно́е преста́вленіе
къ ра́зуму Божѣ́ственному наста́вляеши, да поёмъ
Тѣ́ сицевáя:

Ра́дуйся, свеще́ неугаси́мая огня́ неве-
щѣ́ственнаго;

Ра́дуйся, заре́ незаходи́мая Свѣта́ невече́рня-
го.

Ра́дуйся, луно́, от Со́лнца пра́вды облиста-
ва́емая;

Ра́дуйся, свѣ́тлосте, во тьме́ светя́щая.

Ра́дуйся, свети́льниче, на свѣ́щнице превы́ш-
нем поста́вленный;

Ра́дуйся, исто́чнице жи́зни, из гроба́ во свѣ́тъ
изведе́нный.

Ра́дуйся, Ма́ти Свѣта́ у́мнаго, благоче́стивыхъ
ду́ши просвеща́ющаго;

Ра́дуйся, Ма́ти все́хъ Бо́га, озло́бленныхъ ду́ши
утеша́ющаго.

Ра́дуйся, упова́ющимъ на Тя́ живота́ ко́нѣцъ не-
посты́дный да́рующая;

Ра́дуйся, досто́яние Бо́жиим и Сво́им рабо́м
на Суда́ Сы́на Твоего́ одесну́ю Его́ устроя́ющая.

Ра́дуйся, Преблаже́нная, я́ко Тобо́ю блаже́ни
есмы́ и мы́, и́же Помо́щницу Тя́ и́мамы;

Ра́дуйся, Преблагослове́нная в ро́д и ро́д, я́ко
Госпо́дь с Тобо́ю, и Тобо́ю с на́ми.

Ра́дуйся, Обра́дованная, во Успе́нии Твоём
на́с не оста́вляющая.

Конда́к 12

Благода́ть высоко́престо́льные сла́вы, на не-
бесе́х дарова́нную Богома́тери, почте́нной се-
де́нием одесну́ю Сы́на Ея́ и Бо́га ви́дяще го́рнии
умы́, подъя́ша Ю́ Престо́ли и Си́лы, окружи́ша
Нача́ла и Вла́сти, припадо́ша стра́шнии Херу-
ви́ми, Серафи́ми и Госпо́дства, со Арха́нгелы и
А́нгелы вопи́юще: Аллилу́иа.

И́кос 12

Пою́ще всечестно́е Твое́ Успе́ние, восхваля́ем
вси́ ко пренебе́сным возше́ствие Твое́, Цари́це
Богома́ти. Ты́ же освяти́, просла́ви и спаси́ все́х,
любо́вию пою́щих Тебе́:

Ра́дуйся, очи́стившая зе́млю пречи́стыми но́г
Твои́х стопа́ми;

Ра́дуйся, освяти́вшая возду́х восхожде́нием
Твои́м к Небеси́.

Ра́дуйся, на Небе́сный кру́г возстужи́вшая;

Ра́дуйся, вся́ добро́ты неизрече́нныя зря́щая.

Ра́дуйся, во сла́ве приседа́ющая престо́лу Сы́на
Твоего́ и Бо́га;

Ра́дуйся, с Сы́ном и Бо́гом ве́чно ца́рствующая.

Ра́дуйся, красото́ в десни́це Господне́й, украша́ющая блажа́щих Тя́ все́х Небе́сных;

Ра́дуйся, обра́дованная наде́янием на Тя́ все́х
земны́х.

Ра́дуйся, облече́нная в со́лнце, сия́ющая благода́тию и сла́вою все́й вселенне́й;

Ра́дуйся, обеща́вшая сохра́нати и спаса́ти
призыва́ющих Тя́ все́х в поднебе́сней.

Ра́дуйся, от христиа́нских родо́в Ма́ти Бо́жия
почита́емая и Богоро́дица имену́емая;

Ра́дуйся, от восто́к со́лнца до запа́д пресла́вно
и правосла́вно от все́х благочестивы́х сла́вимая.

Ра́дуйся, Обра́дованная, во Успе́нии Твое́м
на́с не оста́вляющая.

Кондак 13

О Всепётая Мати Безсмёртнаго Царя́ Небесё и земли́, Христа́ Бо́га на́шего, живу́щая и по смёрти, ны́нешняя приноше́ния о всечестно́м Твоём Успёнии от нас приё́мши, в жи́зни сей и в смёртнем успёнии на́шем от вся́кия напа́сти, бе́д и му́ки изба́ви и Небе́снаго Ца́рствия нас, Цари́це, сподо́би, о Тебе́ вопию́щих: Аллилу́иа.

Этот кондак читается трижды, зате́м икос 1 и кондак 1.

Моли́тва

О Пресвята́я Богоро́дице Де́во, Влады́чице, вы́шшая А́нгел и Арха́нгел и всея́ тва́ри Честне́йшая, а́нгельское вели́кое удивле́ние, про́роческая вы́сокая про́поведь, апо́стольская пресла́вная похва́ло, святи́телей изря́дное украше́ние, му́чеников кре́пкое утвержде́ние, ино́ков спаси́тельное наставле́ние, по́стников неизнемога́ющее воздержа́ние, де́вствующих чистото́ и сла́во, ма́терей ти́хое весе́лие, младе́нцев му́дросте и наказа́ние, вдови́ц и си́рых Корми́тельнице, наги́х одея́ние, боля́щих здра́вие, плёнников изба́вление, по мо́рю пла́вающих ти́шино́, бу́реваемых небу́рное приста́нище, блужда́ющих не́трудная На́ставнице, путеше́ствующих ле́гкое

прохождѣніе, труждающихся благоѣ покоеище, в бедахъ сущихъ скорая Заступнице, обидимыхъ Покрове и прибежище, ненадеющихся надеяние, требующихъ Помощнице, печальныхъ присное утешѣніе, ненавидимыхъ любовное смиреніе, грѣшниковъ спасеніе и к Богу присвоеніе, правоверныхъ всехъ твердое огражденіе, непобѣдимое вспоможеніе и заступленіе! Тобою намъ, Владычице, Невидимый видимъ бысть, и Тебѣ мольбу приносимъ, Госпоже, грѣшнии раби Твои: О Премилостивая и Пречудная Свѣта умнаго Царице, рождающая Царя Христа, Бога нашего, Живодавца всехъ, отъ небесныхъ славимая и отъ земныхъ хвалимая, ангельский умѣ, светозарная звездѣ, святыхъ Пресвятейшая, Владычице всехъ тварей, Боголѣпная Девѣце, Нескверная Невѣсто, палато Духа Пресвятаго, огненный Престоле Невидимаго Царя, небесный кивоте, носило Слова Божіа, огнеобразная колеснице, покоище Живаго Бога, неизреченное составленіе плоти Христовы, гнѣздо Орла Небеснаго, Горлице Богогласная, Голубице кроткая, тихая и незлобивая, Мати чадолюбивая, милостей бездно, развергающая тучу гнѣва Божіа, неизмеримая глубиной, неизреченная тайно, несведомое чудо, нерукотворенная Церкви Единого Царя всехъ вѣк, благо-

уханное кадило, честная багрянице, Боготканная порфи́ро, душевный райо́, живоно́снаго сада́ о́трасле, цвѣте прекра́сный, процвѣтши́й на́м небѣсное весе́лие, гро́зде спасѣ́ния на́шего, ча́ше Царя́ Небѣснаго, в не́йже раство́рися от Ду́ха Свята́го вино́ неисчерпа́емая благода́ти, Хода́таице зако́на, зача́ло и́стинныя вѣры Христо́вы непоколебимый сто́лпе, мечу́ я́рости Бо́жия на богопротивных, бесо́в устраше́ние, во бра́нех побежде́ние, христиа́н все́х нело́жная Храни́тельнице и ми́ра всего́ извѣ́стное спасѣ́ние! О Всеми́лостивая Госпоже́, Де́во Влады́чице, Богоро́дице, услы́ши на́с, моля́щихся Тебе́, и яви́ ми́лость Твою́ на лю́дех Твои́х, моли́ Сы́на Своего́ изба́виться на́м от вся́каго зла́ и сохрани́ обитель на́шу и вся́ку обитель, и гра́д, и страну́ вѣ́рных, и лю́ди, благоче́стно прибега́ющия и призыва́ющия и́мя Твое́ свято́е, от вся́кия на́пасти, губи́тельства, гла́да, тру́са, пото́па, огня́, мечá, нашестви́я иноплеме́нников и междоусо́бныя бра́ни, от вся́кия болѣ́зни и вся́каго обстоя́ния, да ни ра́нами, ни преще́нием, ни мо́ром, ни вся́ким пра́ведным гнѣ́вом Бо́жиим ума́лятся раби́ Твои́. Но соблюда́й и спаса́й ми́лостью Свое́ю, Госпоже́, за ны́ моля́щися, и поле́зное благорастворе́ние возду́ха во вре́мени

пло́днаго приноше́ния на́м да́руй. Облегчи́, возста́ви и поми́луй, Преми́лостивая Влады́чице, Богоро́дице препе́тая, во вся́кой беде́ и нужде́ су́щия. Помяни́ рабы́ Твоя́ и не презри́ слез и воздыха́ния на́шего, и обнови́ нас благода́тию Своея́ ми́лости, да со благодаре́нием утеша́емся, обрётше Тя́ Помо́щницу. Уми́лосе́рдися, Госпоже́ Пречи́стая, на немощны́я лю́ди Твоя́, Наде́ждо на́ша. Разсе́янные собери́, заблудши́я на пу́ть пра́вый наста́ви, отпа́дшия от благо́честивыя оте́ческаго ве́ры па́ки возврати́, ста́рость поддержи́, ю́ныя вразуми́, младе́нцы воспита́й и просла́ви сла́вящия Тя́, изряднее же — Це́рковь Сы́на Твоего́ соблюди́ и сохрани́ в долготу́ дний. О Ми́лостивая и Преми́лостивая Цари́це Небесе́ и земли́, Богоро́дице Присноде́во! Хода́тайством Твои́м поми́луй страну́ на́шу и вои́нство ея́ и вся правосла́вныя христиа́ны, сохраня́ющи их под кро́вом ми́лости Твоея́, ри́зою Твоею́ честно́ю за́щити́ и моли́ из Тебе́ воплоща́гося без се́мене Христа́, Бо́га на́шего, да препоя́шет ны́ свы́ше си́лою на вся́ ви́димыя и неви́димыя враги́ на́ша. Спаси́ же и поми́луй, Госпоже́, Вели́каго Господи́на и Отца́ на́шего (имя), Святе́йшего Патриа́рха Моско́вского и всея́ Руси́, преосвяще́нныя митрополи́ты, архиепи́скопы и епи́ско-

пы правосла́вныя, иере́и же и диа́коны и вѣсь
при́чет церко́вный, и вѣсь мона́шеский чин, и
вся́ право́верныя лю́ди, покло́няющияся и мо-
ля́щияся предъ честнóю Твое́ю ико́ною. При́зри
на в́сѣхъ насъ при́зрѣниемъ мѣ́лостивнаго Твоегó за-
ступлѣ́ния, воздвѣ́гни насъ изъ глубины́ грехо́вныя
и просвети́ о́чи серде́чныя ко зрѣ́нию спасѣ́ния,
мѣ́лостива на́мъ бу́ди здѣ́ и на Стра́шномъ Судѣ́
Сы́на Твоегó о насъ умоли́, предста́вляшися во
благоче́стии от житія́ сего́ рабы́ Твоя́ в вѣ́чной
жизни со А́нгелы и Арха́нгелы и со в́сѣми свя-
ты́ми причти́, да одесну́ю Сы́на Твоегó Бо́га
предста́нут, и моли́твою Твое́ю сподо́би вся́ пра-
восла́вныя христиа́ны со Хри́стомъ жи́ти и ра́до-
сти а́нгельския в Небе́сныхъ селѣ́нияхъ насла-
жда́тися. Ты́ бо еси́, Госпоже́, сла́ва Небе́сныхъ и
упова́ние земны́хъ, Ты́ на́ша Наде́жда и За-
ступни́ца в́сѣхъ притека́ющихъ къ Тебѣ́ и Твоея́ свя-
ты́я по́мощи прося́щихъ. Ты́ Моле́бница на́ша
те́плая къ Сы́ну Твоему́ и Бо́гу на́шему. Твоя́
Ма́терняя моли́тва мно́го мо́жетъ на умоле́ние
Влады́ки, и Твои́мъ предста́тельствомъ ко Престо́лу
благода́ти Пресвяты́хъ и Животворя́щихъ Его́ Та́инъ
приступа́ти дерза́емъ, а́ще и недостой́нии. Те́мже
всечестны́й о́бразъ Тво́й и руко́ю Твое́ю держа́ма-
го Вседержи́теля ви́дяще на ико́не, раду́емся,

грѣшнии, со умилѣнием припадающе, и любóвию сѣй целуем, чающе, Госпожé, Твоими святы́ми Богоприятными молитвами дойти́ Небéсныя безконéчныя жизни и непосты́дно стáти в дeнь сýдный одеснóу Сы́на Твоегó и Бóга нáшего, сла́вяще Егó кúпно со Безначáльным Отцém и Пресвяты́м, Блаѓим, Животворящим и Единосу́щным Дúхом, во вéки веко́в. Ами́нь.

